



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

L 67

✓ 487

1953

Մ Ի Զ Ր Ո Յ Յ

ԼՈՒՍԵՒՈՐԶԵԿԵՆ ՀԱՅԻ ՀԵՏ:

(Միջին և հասարակ դասի համար)

Ս. Գաղեանց

МОСКВА.

Типография бив. А. В. Кудрявцевой, Мясницкая, д. Сытова.

1880

Ltin
487


66073 44

Մ Ի Զ Ր Ո Յ Ց

ԼՈՒՍԵՒՈՐԶԵԿԵՆ ԷՆՅԻ ԷՆՏ:

(Ճիշին և Հասարակ դասի Համար)

2097.



Ս. Գաղեանց:



МОСКВА.

Типография быв. А. В. Кудрявцевой. Мясницкая, д. Сытова.

1880

Дозволено Цензурою. С.-Петербургъ, 15 Октября 1880 г.

4 487 ու

28 488

(Նուէր Պ. Գրիգոր Արծրունուն)

Անի հայ մարդ, իմ արիւնակից եղբայր! Աս ուղում եմ քեզ հետ մի շատ թեթեւ ու հասկանալի զրոյց անեմ մի այնպիսի բանի վրա, որ վերջի ժամանակը գրեթե ու խօսալու առարկա է դառել մեր մէջ: Բանը շատ սարդ է, և ես յոյս ունեմ, որ դու այնքան համբերութիւն կունենաս, որ կը լսես ինձ և կարողութեանդ չափ քո սրտի մէջ կը վճռես թէ՛ ինչն է ուղիղ, ինչը սխալ, ով է ճշմարտութիւն պաշտպանում, ով մտրութիւն: Հաւատաս, ամբիւ բարեկամ, աղաչում եմ քեզ հաւատա, որ ես՝ ինչպէս հայ և քեզ հետ արիւնակից, քո լաւն եմ ցանկանում, քո ցաւովը ցաւում, քո դատը լացի հետ լաց լինում, քո քաղցր ուրախութեան հետ ուրախանում: Ինչ որ այս անկ գրեմ, ինչ որ ասեմ քեզ, — բոլորը քո օգտի համար է. երբ որ այս գրածս կարդաս, դու ինքդ կը հասկանաս, որ ուղիղ եմ ասում: Կէ ուրեմն մի կէս ժամ ինձ բաշխի ու ծառայից ինդիլքը լսի: Վեղ, ինչ կարծիք, յայտնի է, որ մեր հայ ազգի մէջ բա-

ցի մեզանցից՝ այսինքն լուսաւորչականներից կան նոյն-
պէս կաթօղիկ ու աւետարանական հայեր: Աս չեմ
ուզում քո գլուխը ցաւացնեմ ու երկար ու բարակ
մեկ մեկ այստեղ ցոյց տամ, թէ ինչ զանազանու-
թիւն կայ մեր և նրանց հաւատի մէջ. բաւական է
միայն ասել, որ նրանք էլ մեզ պէս հայ-քրիստո-
նեք են, բայց մեր եկեղեցին չեն դալիս, այլ իրանց
համար առանձին եկեղեցիք ու առանձին քահանաներ
ունեն: Նրանք էլ մեզ պէս ժամերգութիւն ունեն,
նրանք էլ մեզ պէս փառաբանում են Ամենակարող
Արարչին, և արդարադա՛ր Աստուածը ընդունում է
նոյնպէս նրանց ջերմեռանդ աղօթքը ու հաւասար
կերպով բաժանում է իր գթառատ ողորմութիւնը
ինչպէս մեզ, նոյնպէս և նրանց: Արևիային Տիրօջ
զիրզը բայ է ամեն մի քրիստոնէի համար, ով որ լի-
նում է լինի՝ լուսաւորչական, աւետարանական, ուղղա-
փառ, կաթօղիկ, — բոլորը Նրա առաջ հաւասար են.
Թող միայն մարդ ճշմարիտ քրիստոնէայ լինի, թող
նա ուղիղ սրտով ու խղճմանքով կատարի Սուրբ
Աւետարանի կանոնները, և Աստուծոյ աչքը միշտ նրա
վրա քաղցր կը լինի: Այս ճշմարտութիւնը այնքան
պարզ է, որքան արեգակի լոյսը: Սրանից երևում է,
որ մեր հայ-կաթօղիկ ու հայ-աւետարանական եղ-
բայրները, թէև մեր եկեղեցուց բաժանուել են, բայց
էլի մնացել են քրիստոնէայ և Քրիստոսին ճշմարիտ
Աստուած ճանաչելով զուրկ չեն մնայ երկնային կեան-
քի վայելչութիւններից: Մենք չը պէտք է հիմն նստենք
ու ծանր ու բարակ քննենք ու հարցնենք, թէ ինչու
են նրանք մեր եկեղեցու ծոցիցը դուրս եկել — հիմն

բանը եղել է, անցէ կացել, դրա համար գլուխ ցա-
ւացնելը աժի ոչ: Աւան այն է մի ուրիշ հարց ա-
ռաջ բերնք ու աշխատենք ինչքան կարող ենք խղճ-
մանքով ու հալալութիւնով քննենք:

Ասն մեր մէջ այնպիսի մարդիկ, որոնք ասում են,
թէ հայ-կաթօղիկ ու հայ-աւետարանականները, որով-
հետև մեր լուսաւորչական եկեղեցուց բաժանուել են,
մեզ համար կորած են ու թուրքից կամ նասրանուց
աւելի զգուելի պէտք է համարուեն մեզ համար. Նրանց
խելքով լուսաւորչական հայերն են մենակ հայ և այս
պատճառով նրանք պէտք է արինկեր թշնամու պէս
մտիկ տան կաթօղիկ ու աւետարանական հայերի վրա,
պէտք է նրանց հետ ոչ մի ազգային դործ չընեն,
պէտք է նրանց ատեն, ցլխի հետ հաւասարացնեն,
իրանց միջից դուրս անեն, մի խօսքով հազար մի
անէճք ու թուք ու մուր վրները ածեն: Ասն և այն-
պիսի մարդիկ, որոնք բոլորովն սրանց հակառակն են
ասում, և այդպիսիների թիւը հազար անգամ շատ է:
Սրանք ասում են, թէ կաթօղիկ ու աւետարանական
հայերը, թէև մեր եկեղեցուն չեն պատկանում, բայց
էլի մեզ համար օտար չեն, էլի մեր եղբայրներն են,
մենք նրանց չը պէտք է ատենք, նրանցից չը պէտք է
հեռանանք, խորթանանք, որովհետև նրանք էլ մեր
ազգն ու արիւնն են, նրանք էլ մեզ պէս հայ են,
հայերէն լեզուով խօսում, հայ անունը պաշտում:
Հիմն ի՛նչես կարծում, սիրելի բարեկամ, քո խել-
քով, քո բանականութիւնով սրանցից որն է լաւ ա-
սում, ո՞ւմ խօսքերի մէջ աւելի խղճմանք, աւելի
մարդասիրութիւն կայ: Մենք պէտք է դուրս գցենք

մեր միջից մեր ազգակից հայ-կաթօլիկներին ու հայ-աւետարանականներին, թէ ընդհակառակը պէտքէ աշխատենք բարիչել, մօտիկանալ ու բարեկամանալ նրանց հետ: Կ՞նչպէս է քո կարծիքը:

Ար քեզ համար աւելի հեշտ լինի այդ հարցին պատասխան տալը, ես այստեղ կաշխատեմ մի քանի խօսքով ցոյց տալ քեզ, թէ ինչ վիճակի մէջ է հիմա մեր խեղճ հայ ազգը: Կու, ի հարկէ, անպատճառ լսած կը լինես, որ մենք մի ժամանակ բաւական մեծ ազգ ենք եղել, ունեցել ենք թագաւորութիւն, ունեցել ենք լաւ, երևելի անուն, բայց անմիաբանութիւնով, մեկ մեկու միս ուտելով, մեկ մեկու առաջի փոս փորելով այն սեղն ենք հասել, որ կորցրել ենք համ անուն, համ փառք ու պատիւ և դէս ու դէն ցիր ու ցան լինելով ընկել ենք զանազան ուժեղ ազգերի ձեռքի տակ, Կո մտքիցը դեռ չը պէտքէ գնացած լինեն այն չարչարանքները, այն ասանջանքները, որ մենք քաշել ենք անիրաւ պարսիկների ձեռքին, թէ ինչքան աղի արտասունք են թափիլ տուել մեզ, ինչքան զլիններ է սօխի պէս թուցրել անօրէն պարսկի թուրը, — այդ քեզ լաւ յայտնի է, Մեր խեղճ ազգը այդ անտանելի ասանջանքներից աղատուեց միայն այն ժամանակը, երբ Աստուծոյ քաղցր խնամքով Ռուսաց Ողորմած Թագաւորը քաշեց տարաւ մեզ իր ձեռքի տակ: Հիմա փառք Արարչին մենք հոգով էլ, մարմնով էլ հանգիստ ենք, մեր կայքը շան ու գիլի փայ չի դառնում, մեր աղջկերանցը չեն դուրս քաշում մօր խտափցը ու խաների հարեմխանեքումը հարում ու մնշում, մեր սուրբ եկեղեցին ապատուել է լերբ պարսիկներին

ծիծաղատեղ դառնալուց: Մի խօսքով մենք հանգիստ, ականջներս դինջ ապրում ենք, առաջ գնում, լուսաւորում ու փառք սալիս Աստուծուն Կր ողորմութեան համար: Բայց դու չը պէտքէ մոռասա, աղ-նիւ բարեկամ, որ այդ հանգստութիւնը վայելում է ոչ թէ բոլոր հայ ազգը, այլ նրա փոքր մասը, կիսի կէսը մենակ: Տաճկաստանցի ողորմելի հայերի կեանքը խօ կեանք չէ, պատիժ է: Պարսիկների ձեռքին քաշած մեր նեղութիւնները դրա առաջ ողորմութիւն է: Այթ է որ մեկ մեկ այստեղ գրելու լինեմ այն դժոխքի ասանջանքները, որ քաշում են մեր անբաղդ, խեղճ եղբայրները, — մայրը գլխիդ բիզ բիզ կը լինի: Բաւական է միայն որ ասեմ, թէ օր չի լինում որ անիրաւ թուրքը արինկեր քրդի հետ խեղճ հայ զիւղացու տաւարը չը քաշեն, տունը կրակ չը տան, օր չի անցկենում որ քնքոյչ հայ աղջկերանցը, մեր խեղճ քոյրերին դուրս չը քաշեն հօրն ու մօր մօտից ու զանաբար չը բռնաբարեն, օր չի անցկենում, որ մեր սուրբ վանքերը չը թալանեն ու իրանց կեխտոտ ոտներով չապականեն, օր չի անցկենում, որ ծեր ողորմելի քահանաներին չը ծեծեն ու Սին շնքից կախաւած շան հետ միասին չը կապեն, օր չի անցկենում որ ողորմելի զիւղացիներին կրակի մէջ կարմրացրած շամբուրներով չը դապեն ու դեռ ուրախութիւնից չը կէկզան նրանց լայն ու դուռոցը լսելիս.... Ախար այս ի՞նչ կեանք է! Մեռնելը դրանից հազար փառքով լաւ չէ...

Շ առ էին համբերում մեր Տաճկաստանցի խեղճ եղբայրները ու շինքները ծռած գլինները դէմ էին

անում քրդի թրին կամ թուրքի բռնցքին. բայց վերջապէս համբերութիւնները հասաւ՝ դանակը ոսկողին հասաւ... «Տո՛, գլխներին խօ լաչակ չի, ի՞նչ ենք իշի պէս համբերում» մտածեցին վերջապէս մեր եղբայրները և մտքներումը դրին թուր ու թուանք առնել ձեռքները և կռիւ տարով պաշտպանել իրանց: Մտածիլն ու կատարիլը մեկ եղաւ: Ռուսերէն, գերմաներէն, ֆրանսերէն ու հայերէն լրագիրները բոլորն էլ յայտնում են, որ Հայաստանումը զօջաղ հայերը թօփուն թօփուն եղած կրակի կտոր Պասիկ իշխանի ձեռքի տակ ահ ու դող են քցել քրդերի սիրտը. 7 քրդի գեղըր նրանք արդէն քար ու քանդ են արել: Հիմա կռւի տաք ժամանակն է: Արիւ կողմից էլ ինչ կարծիք որ կոտորած կը լինի: Հայերից արդէն 70 հողի վերստորուած են (եարպու են եղած): Արանից երեւում է, որ մեր տաճկաստանցի հայ եղբայրները օգնութեան անչափ կարօտութիւն ունեն: Մի կողմից քրդերի հետ կռիւը շարունակուում է՝ նրանց հարկաւոր են զէնքեր, թուր, թուանք, բարութ, ուսեղեղներն պաշար, վերստորուածներին դեղ ու դարման, իսկ միւս կողմից սարսափելի սովը շարունակում է իր կոտորածը: Վեղ, ի հարկէ, յայտնի է, սիրելի կարգացող, թէ անցեալ տարի սովը ինչպէս հալ ու մահ արեց առանց էն էլ աղքատացած, թաւանուած, ողորմելի հայերին: Օր չէր անցկենում, որ սովից չը մեռնէին թուրացած ծերունիքը, երեխաքը, կանանիքը՝ բաղերումը էլ խոտ ու քօք չը մնաց որ թշուառ սովասանջները չուտէին: Ամեն կողմից օգնութիւն էին հասցնում խեղճերին, բացի Տաճկաց

անսիրտ, անօրէն տերութիւնից՝ որ ընդհակառակը ամենից առաջ պէտքէ օգնէր իր հպատակ սովալուկներին. Գրամսիացիք, Վերմանացիք, Մեղրիացիք, Ռուսներ, Յոյներ, Ալթայցիք, Հրէաներ բոլորն էլ օգնութեան ձեռք էին մեկնում: Մեր ողորմած Թագաւորն էլ խղճաց ողորմելիների վրա ու մի մեծ գումար բաշխեց. նրա օրինակին հետեւեցին նոյնպէս Ախարիացուց Այսորը, Անգղեայի Թագուհին, Յունաց Թագաւորը, Բելգիայի Թագաւորը, Բօլգարների Իշխանը, Սերբերի Իշխանը և Հռօմի Փափր: Ռուսաստանցի հայերը 60 հազար մանսթից աւելի ուղարկեցին: «Մշակ» լրագիրը մօտ 40 հազար մանսթ մեռակ ուղարկեց Տաճկաստանի սովասանջների համար: Վու էլ, սիրելի կարգացող, քո կարողութեան չափ մի բան բաշխած կը լինես ու դրանով գոնէ մի խեղճ գառնուկ երեխայ սովի ճանգին թուրստուղես մահից ազատած կը լինես... Վու չը կարծես թէ սովը վերջացել է. ոչ՝ նա շարունակուում է: Ո՞նց պէտքէ եօրա գնան մեր խեղճ նահատակները, ո՞նց պէտքէ անեն նրանք, որ կարողանան համ անօրէն քրդի հետ կռիւ տան, համ ուսերու գոնէ ցամաք չոր հաց գանեն, — այդ Աստուծուն է միայն յայտնի: Անսիրտ տաճկաց տերութիւնը, փոխանակ օգնելու իր խեղճ հպատակ հայերին, ընդհակառակը լրբաբար թէ փողով, թէ հացով, թէ մարդով օգնում է քրդերին, սիրտ տալիս և հրամայում, որ ջարդեն հայերին, թալանեն, սովամահ անեն, որ Տաճկաստանի միջից հայ աւուներ վերանայ, ջնջուի... Եւ ի՞նչ հողը տան իրանց գլխին անբաղդ հայերը. ի՞նչ է, նստեն լաց լինեն,

սրան նրան երեսու պէս գանգատ անեն կամ քրդերի
տղերը արատաւնքով թըջնեն... Այդ խօս կատարեալ
յիմարութիւն կը լինի... Աթէ տաճկաստանցի հա-
յերը իրանք իրանց չը պաշտպանեն, մեկ մեկու չօգնեն,
մեկ մեկու սիրա չը սան, կորած են ու կորած: Այդ
ծծկեր երեսուն էլ կասի քեզ:

Հինա քեզ եմ հարցնում, հայ մարդ, իմ անպին
բարեկամ, մի այսպիսի դժուար ժամանակ, երբ «հայ»
անունը կորչելու վրա է, մի՞թէ լաւ կը լինի որ տա-
ճկաստանցի հայերը շարունակեն իրանց կրօնական
վէճերը, մի՞թէ խելօքութիւն կը լինի, որ լուսաւոր-
չականները մենակ իրանց հայ համարեն ու կոպտու-
թիւնով չընդունեն իրանց կաթօլիկ ու աւետարանա-
կան եղբայրների սիրով առաջարկած օգնութիւնը...
Ախար զրանք բոլորն էլ հայ են, հասկացէք, մի ազգ
են, մի միս ու արիւն են, դրանց բոլորին էլ ջարդում
են, խեղդում են, սովամահ են անում, — ախար Աստուած
վեր կունի, որ դրանք փոխանակ մեկ մեկու օգնելու,
մեկ մեկու ձեռք տալու ու միասեղ իրանց արիւնիկեր
թշնամու առաջ դուրս գալու, նստեն ու քափթառ
պառաւանների պէս իրար բամբասեն, իրար ուշունց
տան, իրար աչք ու երես պռճոկնեն... Ախար հայր
հայից խօրթանայ, հայր հայի միսն ուտի՞ — այդ
ի՞նչ երկնքի պատիժ է, այդ ո՞վ է տեսել այդ ի՞նչ
երեսայութիւն է... Համ քուրդը ջարդի հայերին,
համ քուրդը սառի հային, համ հայր իր արիւնակից
հային ատի՞... Աւա կը շինուի դրանով հայի տունը!
Հասկացէք, որ թուրքը և քուրդը ոչ թէ (միայն)
հայ — լուսաւորչականների, կամ կաթօլիկ ու աւետա-

րանականների արիւնիկեր թշնամին են, — նրանք առհա-
տարակ հայի թշնամին են, այդ անունն է նրանց աչքը
ծակում: լուսաւորչական, աւետարանական և կաթօ-
լիկ անունները նրանց համար դարդակ ձայներ են՝ ով
որ հայ է, նա նրանց թշնամին է: Աւրեմն տաճկա-
ստանցի բոլոր հայերը, ինչ հաւատի որ լինեն նրանք,
պէտքէ ճանաչեն իրանց թշնամուն, պէտքէ հասկա-
նան, որ իրանք բոլորը խեղճ հայ ազգի զաւակներն են,
պէտքէ հասկանան որ իրանց ազգը սասաիկ նեղու-
թեան մէջ է և ձեռք ձեռքի տուած, մոռանարով
իրանց անտեղի կրօնական վէճերը. պէտքէ պաշտ-
արանեն ազգի անունը և պատիւը...

Բաղդաւորապէս տաճկաստանցի հայերը սկսել են
այդ հասկանալ: Նրանց յոյս ու սպաւէն Ներսէս
պատրիարքը, մեր հոգևորականների փառք ու պար-
ծանքը, ինքը աշխատում է կամնց կամնց մօտիկանալ
կաթօլիկ և աւետարանական հայերի գլխաւոր հոգևո-
րականների հետ, որ սրանով բարի օրինակ լինի իր
ժողովուրդին: Կնչ կարծիք, որ լուսաւորչական հայերը
օրինակ կանեն իրանց սիրելի և մեզ բոլորիս պաշտելի
պատրիարքից և նոյնպէս կաշխատեն բարեկամութիւն
կապել իրանց կաթօլիկ և բողոքական ազգակից եղբայր-
ների հետ: Աթէ այդ այդպէս լինի, եթէ լուսաւոր-
չական, կաթօլիկ ու բողոքական հայերը սիրով լինեն,
մեկ տեղ աշխատեն, մեկ տեղ գործ կատարեն, մեկ
տեղ իրանց ազգի անթիւ ու անհամար հոգսերը քա-
շեն, ինչ ասել կուզե որ Աւրօպայի մեծ տերութիւն-
ները, որոնք ուզում են Տաճկաստանի հպատակ քրի-
ստոնեայ ազգերի դրութիւնը լաւացնել, հայերի վրա

այն ժամանակը լաւ աչքով մտիկ կը տան, կասն որ միաբանութիւն սիրող ազգէն և այնքան լուսաւորուած են, որ կարող են լաւ կառավարուել, եթէ ստիպենք Տաճկաստանին նրանց մի քանի իրաւունքներ տալու: Արեւս պատրիարքը իր ժողովրդի հետ այդ շատ լաւ է հասկանում և այս պատճառով աշխատում է բարեկամութիւն կապել կաթօլիկ և բողոքական հայերի հետ: Համբուրեմ նրա սուրբ աջը! Հայ ազգը երբէք չի մոռանայ նրա այդ բարի գործը ...

Հիմա զրազ զնենք մեր տաճկաստանցի եղբայրներին և գանք խօսենք մեզ վրա: Ի՞նչ ես կարծում, մի՞թէ մենք չը պէտքէ օրինակ վերցնենք նրանցից, մի՞թէ մենք պէտքէ շարունակենք ատել, արհամարհել մեր կաթօլիկ ու աւետարանական հայ եղբայրներին, — ո՛չ! — այդ մի անշտրք կոպտութիւն կը լինի մեր կողմից: Ախար ինչո՞ւ պէտքէ ատենք: Արանք ճշմարիտ հայեր են, հայ ազգը սիրում, հայոց մարբուր լեզուն սովորում ու գործ ածում, մեր խեղճ ազգի ցաւերով ցաւում, — ինչո՞ւ պէտքէ մենք նրանց արհամարհենք: Արանք ցանկանում են մեզ հետ մօտանալ, բարեկամանալ, նրանք մոռանում են, ներում են այն բոլոր կեխտերը, արհամարհանքները ու անիծքները, որ մենք չը գիտեմ ինչ իրաւունքով թափում էինք խեղճերի գլխին, — հիմա հարցնում եմ, ի՞նչ մարդութիւն կը լինի մեր կողմից, եթէ կողքնորիս ընկնենք ու առաջուայ պէս շարունակենք անմիա կերպով ծիծաղալ նրանց վրա, ծաղրել, մատաարա գցել ... Հերիք է ինչքան մատաարա գցեցինք, հերիքէ ինչքան աւելի անուններ կպցրինք, հերիքէ ինչքան

մէյրաններումը ծեծեցինք, ջարդեցինք, — հերիքէ, հաւեններս հանեցինք:

Խեղքներս գլխներս ժողովներ: Աթէ աշխարհումս արդարութիւն կայ, յանուն այդ արդարութեան մենք պէտքէ մարդկօրէն վարուենք մեր ազգակից եղբայրների հետ: Վրիստոսի սուրբ Աւետարանը հրամայում է մեզ ներել մինչև անդամ մեր թշնամիներին, իսկ մենք, որ Վրիստոսի աշակերաններն ենք, ոչ միայն չենք ներում մեր արիւնակից եղբայրներին, որոնք երբէք մեզ թշնամի չեն եղել, այլ դեռ ամեն կերպ աշխատում ենք ցլխի հետ հաւասարացնել նրանց, անդունդ խորտակել խեղճերին ... Այդ է մի՞թէ հրամայում Աւետարանը — ո՛չ! — նա հրամայում է, նա քարոզում է՝ սէր և ներողամտութիւն: Մեր տունը հենց սկզբից անմիաբանութիւնը ու նախանձը քանդեց, զոնէ անցկացածից օրինակ վեր առնենք:

Ինչ լուսաւորուած ազգ որ ուզումես վերցրու՝ Ֆրանսիացի, գերմանացի, անգլիացի, ամերիկացի, — և դու կը տեսնես, որ նրանց մէջ ազգը ուրիշ բան է, եկեղեցին ուրիշ: Մի և նոյն ազգի մէջ, օրինակ Ֆրանսիացիների մէջ, կան համ կաթօլիկներ, համ բողոքականներ, համ կայլիկականներ, համ մօրմօններ, բայց ոչ մի ժամանակ նրանց մէջ կռիւ, զարմաղալ չես տեսնի. թէև նրանք զանազան հաւատ ունեն, բայց այնպէս սիրով են, ոնց որ հալալ եղբայրներ, որովհետև բոլորն էլ Ֆրանսիացիք են, մի արիւն են, մի ազգի զաւակներ են: Արանց համար միեւնոյնէ՞ մարդ ինչ տեսակ որ ուզում է, թող պաշտի Աստուծուն, միայն անունը Ֆրանսիացի լինի, Ֆրանսերէն խօսա,

Տրանսխական տերութիւնը սիրի, և նա նրանց աչքի լոյսն է: Այսպէս էլ ուրիշ ազգերի մէջ է: Հիմա այս սող աշխարհումը հենց մե՞նք են դուս եկել կուուարար ու ամբարիշտ: Ի՞նչ եղաւ մեզ: Մենք էլ նրանց պէս մարդիկ չե՞նք: Ամեն բանում նրանցից օրինակ ենք վերցնում: Ինչո՞ւ սրանում էլ չենք կարող: Աթէ ուզում ենք, որ ուրիշ ազգերի առաջ ծիծաղատեղ չը դառնանք ու ագէս, խաւար անունը չը ստանանք, եթէ չենք ցանկանում որ հայ ազգը կամայ կամայ փորքանայ, պակասի, մենք պէտքէ բարոյովն ձեռք վեր առնենք անտեղի կրօնական երկպառակութիւններից և ամեն կերպ աշխատենք, որ աշխարհիս բոլոր հայերը, ինչ հաւատի որ լինեն, սիրեն, պատուեն, յարգեն և օգնեն մեկ մեկու, ինչպէս որ կը փայլի մի ազգի հարազատ զաւակներին, արիւնակից եղբայրներին: Հաւատացէք որ հաւատը զօտի բան չէ, չէ կարելի մարդու ետխիցը բռնել ու շնքաբօքին ծեփելով ասել՝ սրան պաշտի, նրան մի պաշտի: Հաւատը մարդի խղճմանքի բան է, իսկ խղճմանքի վրա հարբ ու զօբ բանացնելը առաջներ մեղք, երկրորդը անօգուտ բան է: Մեզ մարդ է հարկաւոր, հայ է հարկաւոր — ուրիշ ոչինչ:

Աս վերջացնում եմ իմ խօսքը և շատ կը ցանկայի իմանալ, սիրելի բարեկամ, թէ կընդունես իմ բարի խորհուրդը թէ չէ: Ո՛վ գիտէ կարելի է դրածս կարգատ թէ չէ, դուրսդ շարժես ու քթիդ ասկ ծիծաղարով ասես քեզ ու քեզ՝ «տօ, էս մի հոգեւորը «Քարմնասի՛ծն» չը լի՞նի» ... Հաւատացնում եմ քեզ, պատուելի ազգակից, որ սաստիկ կը սխալուես, եթէ

այդպէս կարծես: Աս ինքս քեզ պէս հայ — լուսաւորչական եմ և մինչև մահս կը մնամ Ս. Ղարիբոյի Աթուռի պաշտողը: Աս քեզ չեմ ուզում բողոքական դառննել, — այդպէս կարող է կարծել միայն այն մարդը, որի գլուխում ուղեղի տեղ յօրախաշու է ածած: Իմ խնդիրքը, իմ աղաչանքը այն է, որ դու վերջապէս հասկանաս, որ կաթօյիկ ու աւետարանական հայերը մեր միս ու արիւնն են, մեր հարսը եղբայրներն են: Բողոքս էլ հայ ենք: Մեր ցաւերը, մեր դարդերը, մեր ուրախութիւնները միեւնոյնն են: Մեր մասը կարուի նրանցը պէտքէ ցաւի, նրանցը կարուի մերը պէտքէ ցաւի: Մեր ազգի դարդերը շատ են: Տաճկաստանցի հայերը թշուառ դրութեան մէջ են, իսկ մենք բազմաւորութեան մէջ: Թողնենք ուրեմն մեր կրօնական վէճերը և սիրա սրտի առեւծ աշխատենք մեր կարողութեան չափ օգնութիւն հոսցնել խեղճ ողորմելիներին ... Տուր ուրեմն քո ձեռքը, լուսաւորչական հայ, քո արիւնակից աւետարանական կամ կաթօյիկ եղբօրդ, զրդիր նրան, համբուրիր նրան, ասա՛ ևս հայ եմ, դու էլ հայ ես, ուրեմն եղբայր ենք, արի հաշտուենք, — և հաւատայ, անգին բարեկամ, որ այդ հաշտութիւնը, այդ միութիւնը կը լինի մեր թշուառ ազգի բարօրութեան հիմքը...

2097.

« Ազգային գրադարան



NL0248513

9-1111 6 10 400.

